

आकाशवाणी

खबरां

1. प्रधानमंत्री नरेंद्र मोदी होंरें आखेआ ऐ जे बेटी बचाओ, बेटी पढ़ाओ सकारात्मक तब्दीलिएं आहली इक ऐसी पैहलकदमी बनी गई ऐ जेदे च समाज दे सब्बनें तबकें दे लोकें अपनी शमूलियत यकीनी बनाई ऐ।
2. सरकारें कच्चे सन्न पर घटोघट्ट समर्थन मुल्ल च क्विंटल पिच्छे 314 रपे दा बाद्दा करियै इसी 5 जहार 650 रपे करी दिता ऐ।
3. दिल्ली असैम्बली चुनां लेई सियासी पार्टिएं अपना अभियान तेज करी दिता ऐ ते सब्बे पार्टियां मते शा मते मतदाताएं गी अपने पक्खै च करने लेई पूरी टिल्ल ला करदियां न।
4. उत्तर प्रदेश सरकार दी अज्ज प्रयागराज च इक विशेष कैबिनेट बैठक लग्गी।
5. समूलचे मुल्लखै च औंदे गणतंत्र दिवस दियां तैयारियां जोरें-शोरें जारी न, दिल्ली च कल फुल ड्रेस रिहर्सल कीती जाग।
6. युवा मामले ते खेड्ड मंत्री डॉ. मनसुख मांडविया होंरें विश्व कप जितने आहली भारती दी महिला ते पुरुष खो-खो टीमैं गी सम्मानित कीता।

<><><><><><>

PM-BBBP

बेटी बचाओ बेटी पढ़ाओ पैहलकदमी दे 10 बरे पूरे होने दे मौके पर अज्ज प्रधानमंत्री नरेंद्र मोदी होंरें आखेआ ऐ जे एह सकारात्मक तब्दीलिएं आहली ते लोकें गी सशक्त बनाने आहली इक ऐसी पैहलकदमी बनी गई ऐ जेदे च समाज दे सब्बनें तबकें दे लोकें अपनी शमूलियत यकीनी बनाई ऐ। हरियाणा दे पानीपत च 22 जरवरी 2025 गी एहदी शुरूआत कीती गई ही ते एह पैहलकदमी लैंगिक फर्कोफर्की गी खत्म करने च बड़ी कारी दी साबत होई ऐ ते इन्नै इस गल्लै गी जकीनी बनाया ऐ जे कुडिएं गी बी पढ़ाई-लखाई ते अग्गे बधने दे बरोबर मौके हासल होन तां जे ओह अपने सुखने सच करी सकन। सोशल मीडिया पर इक पोस्ट राहें प्रधानमंत्री होंरें इस पैहलकदमी तैहत हासल उपलब्धिएं पर लोs पाई ते एह गुजारश बी कीती जे धीएं दे अधिकारें दी राक्खी लेई जत्नें गी बरोबर जारी रक्खेआ जा तां जे इक ऐसे समाज दा निर्माण होऐ जेड़ा लैंगिक फर्कोफर्की शा मुक्त रौहंदे होई लगातार तरक्की करदा रवै।

<><><><><><>

Cabinet-Decision

सरकार नै 202-26 आहली रूतै लेई कच्े सन्न दे घट्टोघट्ट समर्थन मूल्ल यानि एमएसपी गी बदाने दा फैसला लैता ऐ। केंद्री उद्योग ते बपार मंत्री पीयूष गोयल होरें अज्ज नमीं दिल्ली च मंत्रिमंडल दे फैसले बारै मीडिया गी जानकारी दिंदे होई दस्सेआ जे कच्चे सन्न लेई एमएसपी 5 जहार 650 रपे क्विंटल स्हाबै दिती जाग जेड़ा जे पिछले बरे दे मकाबले 315 रपे मता ऐ। उनें दस्सेआ जे एह्दे नै 40 लकख परोआरें दी मदद होग जेड़े परतकख तौरा पर सन्न उद्योग पर निर्भर न। गोयल होरें दस्सेआ जे केंद्री मंत्रीमंडल नै रराश्ट्रीय सेहत मिशन दे तैहत हासल प्रगति दी बी समीक्षा कीती।



PM-Odisha Conclave

प्रधानमंत्री नरेंद्र मोदी होर इस म्हीने दी 28 तरीक गी भुवनेश्वर दे जनता मैदान च उत्कर्ष ओडिशा मेक इन इंडिया कन्क्लेव 2025 दा उद्घाटन करंगन। इस मौके ओह उद्योगपतिं ते निवेशकें गी बी संबोधित करंगन जेड़े कन्क्लेव च हिस्सा लैने लेई 12 बकख-बकख मुल्खें थमां आवा करदे न जिंदे च आस्ट्रेलिया, मलेशिया, जपान, सिंगापुर ते होर दुए मुल्ख शामिल न। दऊं दिनें दे कन्क्लेव दा मकसद ओडिशा गी पूर्वी भारत च घरेलू ते अंतरराश्ट्रीय निवेश दे इक प्रमुख केंद्र दे रूपै च उजागर करना ऐ।



Supremen Court Mathura

सुप्रीम कोर्ट नै मथुरा च श्री कृष्ण जन्मभूमि-शाही ईदगाह मस्जिद विवाद मामले च शाही ईदगाह मस्जिद दे निरीक्षण आस्तै इलाहाबाद उच्च न्यायालय दे आदेश पर अंतरिम स्थगन दी अवधि बदाई दिती ऐ। एह् निरीक्षण अदालत आसेआ नियुक्त कमिशनर आसेआ कीता जाना ऐ। प्रधान न्यायाधीश संजीव खन्ना दे नेतृत्व आहली पीठ नै इलाहाबाद उच्च न्यायालय दे आदेश गी चुनौती देने आहली मस्जिद समिति दी अपील पर एह् फैसला लैता। इलाहाबाद उच्च न्यायालय नै इस विवाद कन्ने जुड़े दे मामले गी मथुरा न्यायालय थमां इलाहाबाद उच्च न्यायालय च स्थानंतरित करी दिता हा ते शाही ईदगाह मस्जिद दे निरीक्षण आस्तै इक कमिशनर दी नियुक्ति दी अनुमति दिती ही। जंदे बरे 16 जनवरी गी सुप्रीम कोर्ट नै इलाहाबाद उच्च न्यायालय दे उस आदेश पर स्थगन जारी कीता जा जेदे च हिंदू भक्तें निरीक्षण दी याचिका लाई ही। हून इस स्थगन गी बदाई दिता गेआ ऐ ते मुकद्दमें दी कार्यवाही बी इलाहाबाद उच्च न्यायालय च जारी रक्खी जाई सकदी ऐ।



PM-Booths

दिल्ली विधानसभा चुनावों लेई सब्बनें सियासी पार्टिं कम्मर कस्सी लैती दी ऐ ते मते शा मते मतदाताएं गी अपने पक्खे च करने लेई ओह अपनी पूरी टिल्ल ला करदियां न। प्रधानमंत्री नरेंद्र मोदी हों अज्ज बीजेपी दे बूथ सतह दे कार्जकर्ताएं कन्नै नमो ऐप राएं गल्लबात कीती ते पार्टी गी चुनावं जित दोआने गितै लोकें तगर पुज्जिए उनेंगी देसै दे हितै च ते हर इक नागरिक दी भलाई बेहतरी लेई बीजेपी गी कामयाब बनाने गितै प्रेरित करने लेई आखेआ।



Delhi Election Campaign

दिल्लीविधानसभा चुनावों लेई प्रचार अभियान तेज होई गेआ ऐ। प्रधानमंत्री ते बीजेपी दे वरिष्ठनेता नरेंद्र मोदी, वरिष्ठ कांग्रेस नेता राहुल गांधी ते आम आदमी पार्टी दे संयोजकअरविंद केजरीवाल अज्ज बक्ख-बक्ख इलाकें च प्रचार अभियान च शामिल होए। श्री मोदीहों आम आदमी पार्टी उप्पर जबानी हमला करदे होई आखेआ जे दिल्ली दे असैम्बलीचुनावं च आम आदमी पार्टी नै अपनी हार पैहली गै भांपी लैती दी ऐ इस्सै करियैओह हर रोज कोई ना कोई नमां ऐलान करै करदी ऐ। उनें आखेआ जे आम आदमीपार्टी, दिल्ली दे लोकें गी बुनियादी स्थूलतां मुहैया करोआने च बी नाकाम साबतहोई गेदी ऐ।



UP Cabinet Meeting

उत्तर प्रदेश सरकारी दी विशेष कैबिनेट बैठक अज्ज प्रयागराज च होई। मुख्मन्त्री योगी आदित्यनाथ दी अध्यक्षता च अरैल खेतर दे त्रिवेणी संकुल च होई दी बैठक च राज्य सरकार दे सब्बे 54 मंत्री शामिल होए। स्हाढे संवाददाता नै दस्सेआ ऐ जे बैठक च जन कल्याण ते राज्य दी प्रगति आस्तै महत्वपूर्ण फैसले लैते गए। बैठक दे बाद मीडिया गी संबोधित करदे होई मुख्मन्त्री योगी आदित्यनाथ हों आखेआ जे सरकार नै पब्लिक प्राइवेट पार्टरशिप मॉडल तैहत हाथरस, आगपत ते कासगंज च मेडिकल कालजें दे निर्माण गी मंजूरी देई दिती ऐ। उनें आखेआ जे प्रयागराज, वाराणसी ते आगरा नगर निगमें आस्तै मुनसीपल बांड जारी करने दा बी निर्णय लैता गेआ। श्री आदित्यनाथ हों आखेआ जे इनें बांड कन्नै शैहरी बुनियादी ढांचे गी बदाने ते इनें शैहरें च सतत विकास सुनिश्चित करने आस्तै धन जुटाने दी मेद ऐ।



दावोस च विश्व आर्थिक मंच दे पैहले ध्याड़े महाराष्ट्र दे मुखमंत्रि देवेन्द्र फडणवीस हुंदे नेतृत्व च 6 लकख 25 जहार 457 करोड़ रपे दे निवेश समझौते पर दस्तखत कीते गो। इक गै दिन च इन्नी मती निवेश राशि हासल करने दा एह नमां रिकार्ड ऐ। फडणवीस होरें केइयें कंपनियें दे प्रमुख अधिकारियें कन्नै मलाटी कीती ते उनेंगी महाराष्ट्र च निवेश करने दा साद्दा दिता।

<><><><><><>

Bharat Mobility-Expo

राजधानी दिल्ली दे भारत मंडपम च लोआए गेदा आटो एक्सपो 2025 अज्ज सम्पन्न होई गेआ। भारत मोबिलिटी एक्सपो नां दे इस 6 रोजा आयोजन च 8 लकख कोला मते लोक आए जिंदे च ज्यादातर गड्डिउएं दा शोक रखने आहले शामल जेड़े नमीं-नमीं किस्मै दिएं गड्डिउं गी दिक्खने लेई आए। इस बड्डे आयोजन च कोई डेढ जहार प्रदर्शक आए दे हे जिनें अपनी कंपनिएं दिएं गड्डिउं दा प्रदर्शन कीता। आकाशवाणी समाचार कन्नै गल्लबात दौरान उपयोग ते बपार मंत्रालय दे अप्पर सचिव राजेश अग्रवाल होरें दस्सेआ जे एक्सपो दे इस संस्करण च औने आहलें दी गिनतरी 6 गुणा मती बधी गई ऐ। इस दरान इलेक्ट्रानिक ते विटेच गड्डियां सब्बनें दा आकर्षण दा केंद्र बनी दियां रेइयां आटो एक्सपो च जर्मनी, बरतानिया, जपान, दक्खन, कोरिय ते तैवान दे अलावा होर बी केई मुखें हिस्सा लैता।

<><><><><><>

Bharat Rang Mahotsav

राष्ट्रीनाट्य विद्यालय आसेआ औंदी 28 जनवरी थमां लेइयै 16 फरवरी तगर भारत रंग महोत्सवदे 24में संस्करण दा आयोजन कीता जा करदा ऐ। एह महोत्सव कोलंबो ते काठमांडूसने 13एं शैहें च आयोजित कीता जाहग। राष्ट्री नाट्य विद्यालय दे ड्रैक्टर चित्तरंजनत्रिपाठी होरें मीडिया गी संबोधित करदे होई दस्सेआ जे भारत रंग महोत्सव अपनेव्यापक नजरिये दे कन्नै आलमी मंच उप्पर इक सब्बनें शा उत्कृष्ट थिएटर महोत्सव बनी गेआऐ। 20एं दिनें दे इस कार्यक्रम च 9 मुख, 200 थमां मती अनोखी प्रस्तुतियां पेशकरडन। महोत्सव च ताइवान, रूस, इटली, नेपाल, श्रीलंका सने होरनें मुखें देअंतरराष्ट्री थिएटर समूह बी हिस्सा लैडन। मशहूर अभिनेता ते एनएसडी दे साबकाविद्यार्थी राजपाल यादव होरेंगी इस वर्ष लेई महोत्सव दा राजदूत नामित कीतागेआ ऐ।

<><><><><><>

Republic-Day

मुख्य भरै च औंदे गणतंत्र दिवस गितै तैयारियां जोरें-शोरें चलै करदियां न। देसै दा सब्बनै शा बड्डा आयोजन दिल्ली दे कर्तव्य पथ पर लग्गोग जित्थे मुख् आकर्षण गणतंत्र दिवस परेड होंदी ऐ। गणतंत्र दिवस परेड दी फुल ड्रेस रिहर्सल कल बड्डलै साइडे 10 बजे शुरू होग। ट्रैफिक पुलस नै जानकारी दिती ऐ जे रिहर्सल दे चलदे विजय चौक कोला लेइयै इंडिया गेट तगर गड्डिएं दी आओजाई बंद रौहग। रिहर्सल विजय चौक थमां शुरू होग ते कर्तव्य पथ सी-हेक्सागन, नेता जी सुभाष चंद्र बोस हुंदी मूर्ति, तिलक मार्ग, बहादुर शाह जफर मार्ग ते नेता जी सुभाष मार्ग थमां होंदे होई लाल किले तगर जाग।



Indian-Navy

भारती नौसेना इस गणतंत्र दिवस दे मौके कर्तव्य पथ पर लग्गने आहली परेड च शामिल होने गितै पूरे जोश ते उत्साह कन्नै तैयार ऐ। नौसेना मूजब लेफ्टिनेंट कमांडर साहिल अहलूवालिया हुंदी अगुवाई च 148 मिम्बरी दल परेड च शामिल होग। इस परेड च भारतीय नौसेना दे बैंड दस्ते च 6 महिला अग्निवीर बी हिस्सा लैगन। इस बरे दी नौसेना दी झांकी च भारत दी समुंद्री ताकत दा प्रदर्शन कीता जाग जेदे च एहदे आत्मनिर्भरता आहलिये पैहलकदमिये गी परमुखता कन्नै प्रदर्शित कीता जाग।



Mandviya-Kho Kho

युवा मामले ते खेड्ड मंत्री मनसुख मांडविया होरें भारत दी मर्दे दी ते महिला खो-खो टीमै गी अज्ज नमीं दिल्ली च सम्मानित कीता। मांडविया होरें भारत दे इस रिवायती खेड्ड गी विश्व सतह पर पंछान दोआने लेई दौनें टीमै गी बदाई ते भविक्ख लेई शुभकामनां दितियां। इस मौके पुरुष ते महिला खो-खो टीमै दे कन्नोकन्नी उन्दे कोच, भारतीय खो-खो महासंघ दे अध्यक्ष सुधांशु मित्तल ते भारतीय खेड्ड प्राधिकरण दे अधिकारी बी मजूद हे।



Weather

मौसम विभाग नै अज्ज पूर्वी उत्तर प्रदेश च घनी धुंध दा अनुमान जताया ऐ। मौसम विभाग नै कल जम्मू-कश्मीर, लद्दाख, गिलगित, बाल्टिस्तान, मुजफ्फराबाद ते हिमाचल प्रदेश दे बक्ख-बक्ख इलाकें च शीत लैहर दी स्थिति दी बी मेद प्रगट कीती ऐ। एहदे अलावा अज्ज पच्छिम उत्तर प्रदेश, राजस्थान, बिहार, पच्छिम बंगाल ते सिक्किम, झारखंड, ओडिशा, असम, मेघालय,

नागालैंड, मणिपुर, मिजोरम ते त्रिपुरा दे बक्ख-बक्ख इलाकें च घने कोहरे दी मेद जताई जा'रदी ऐ।

<><><><><><>

Badhaal

राजौरी दे बडहाल गांs च रहस्यमयी बिमारी दे त्रै नमें मामले सामने आए न। जम्मू दे डिविजनल कमिशनर रमेश कुमार होरें राजौरी दे कोटरंका इलाके दा जायजा लैता। गौरमेंट मेडिकल कॉलेज राजौरी दे प्रिंसीपल डॉ. अमरजीत सिंह भाटिया होरें आखेआ जे हाल च होई दियें मौतें च इक सांझी वजह दिमाग दा प्रभावत होना ते नवर्स सिस्टम गी नुकसान पुज्जना ऐ। पिछले डेढ म्हीने थमां इलाके च रहस्यमयी बिमारी करी 17 लोकें दी मौत होई चुकी दी ते इस बिमारी दा पता लाने लेई जांच जारी ऐ। इलाके गी कंटेनमेंट जोन घोषित कीता गेदा ऐ।

<><><><><><>

Drone Poonch

सेना दे जवाने अज्ज बड्डलै पुंछ जिले दी नियंत्रण रेखा उप्पर भारतीय सीमा च आई बडे दे भारतीय ड्रोन गी निशाना बनाने लेई गोलीबारी कीती। आकाशवाणी दे जम्मू संवाददाता नै जानकारी दिती ऐ जे एह ड्रोन किश चिरें लेई मेंटर सैक्टर च बनने कोल तारबंदी दे नेडे मंडरादा रेआ ते फही वापस पाकिस्तान दे नजैज कब्जे आहले कश्मीर बक्खी परतोई गेआ। बड्डलै 1 बजे दे करीब इस ड्रोन गी दिक्खेआ गेआ ते जवानें ओहदे उप्पर 12 रौंद दागे। एहदे बारै होर मती जानकारी गी अर्जे बलगेआ जा रदा ऐ।

<><><><><><>